

四庫全書

集部

欽定四庫全書

御定全唐詩卷七百十八

蘇拯

蘇拯光化中人詩一卷

頌魯

并序

昔謂孔宣父絕糧於陳蔡歷國七十二不遇其一
君咸云命不通也愚謂聖人刪詩定禮出沒行藏
承天之意非由命焉不然論語不曰天之未喪斯

文也匡人其如予何又曰下學而上達知我者其天乎以斯明矣因得為頌魯章凡十四句

天推魯仲尼周游布典墳遊遍七十國不令遇一君一國如一遇單車不轉輪良由至化力為國不為身禮樂行未足遭迴厄於陳禮樂今有餘袞旒當聖人傷哉絕糧議千載誤云云

醫人

古人醫在心心正藥自真今人醫在手手濫藥不神我

顧天地鑪多銜扁鵲身
遍行君臣藥先從凍餒均
自然六合內少聞貧病人

西施

吳王從驕佚天產西施出
豈徒伐一人所希救羣物良
由上天意惡盈戒奢侈不獨破吳國
不獨生越水在周名褒姒在紂
名妲已變化本多塗生殺亦如此
君王政不修立地生西子

金谷園

積金累作山山高小於址栽花比綠珠花落還相似徒
有敵國富不能買東市徒有絕世容不能樓上死祇此
上高樓何如在平地

巫山

昔時亦雲雨今時亦雲雨自是荒淫多夢得巫山女從
來聖明君可聽妖魅語只今峯上雲徒自生容與

賈客

長帆挂短舟所願疾如箭得喪一驚飄生死無良賤不

謂天不祐自是人苟患常言海利深利深不如淺

狡兔行

秋來無骨肥鷹犬遍原野草中三穴無處藏何況平田
無穴者

長城

嬴氏設防胡烝沙築冤壘蒙公取勲名豈算生民死運
奮力不禁碎身砂磧裏黔黎欲半空長城春未已皇天
潛鼓怒力化一女子遂使萬雄崩不盡數行淚自古進

身者本非陷物致當時文德修不到三世地

織婦女

伊余盡少女一種飾螭首徒能事機杼與之作歌舞歌
舞片時間黃金翻袖取祗看舞者樂豈念織者苦感此
嘗憶古人言一婦不織天下寒

古塞下

百戰已休兵寒雲愁未歇血染長城沙馬踏征人骨早
得用娥眉免陷邊戍卒始知髦頭星不在彎弓沒

水旱禱

禱祈勿告天酒漿勿澆地陰陽和也無妖氣陰陽懋期
乃人致病生心腹不自醫古屋澄潭何一作有神祟

鄒律

鄒律暖燕谷青史徒編錄人心不變遷空吹閑草木世
患有三惑爾律莫能抑邊苦有長征爾律莫能息斯術
未濟時斯律亦何益爭如至公一開口吹起賢良霸邦
國

蜘蛛諭

春蠶吐出絲濟世功不絕蜘蛛吐出絲飛蟲成聚血蠶
絲何專利爾絲何專孽映日張網羅遮天亦何別儻居
要地門害物何堪說網成雖福已網敗還禍爾小人與
君子利害一如此

獵犬行

獵犬來成行狐兔無奈何獵犬令盈羣狐兔依舊多自
爾初跳躍人言多拏攫常指天外狼立可口中嚼骨長

毛衣重燒殘烟草薄狡兔何曾擒時把家雞捉食盡者
飯翻增養者惡壯可嗟獵犬壯復壯不堪兔絕良弓喪

斷火謠

誰謂之推賢於世何功果絕爾晉侯交禁我唐虞火國
閉檀榆煙大禮成墮墮暗室枯槁飯冷面相看坐陽昇
既非佑陰伏若為佐焉凍羣生腹將止天下禍但冤冤
濫刑天一作道無不可鄙哉前朝翊贊臣訐謏之規何

瑣瑣

思婦吟

秋風鴈又歸邊信一何早攬衣出門望落葉滿長道一
從秉箕箒十載孤懷抱可憐日日醉寵榮不說思君令
人老

雉兔者

所獵一何酷終年耗林麓飛走如未空貪殘豈知足嘗
聞獵書史可以鑒榮辱嘗聞獵賢良可以霸邦國如何
縱網羅空成肥骨肉和濟俱不聞曷所襍顛覆誰能為

扣天地鑪鑄此傷生其可乎

藥草

天子卹疲瘵坤靈奉其職年年濟世功貴賤相兼植因
產衆草中所希採者識一枝當若神千金亦可直生草
不生藥無以彰土德生藥不生草無以彰奇特國忠在
臣賢民患憑藥力靈草猶如此賢人豈多得

凡草誠

野草凡不凡亦應生和出鉏夫耘藥欄根不留其一良

由本蕪穢著地成棄物人生行不修何門可容膝不唯
不爾容得無凡草嫉賢愚偃仰間鑒之宜日日

明禁忌

陰陽家有書卜筮多禁忌土中若有神穴處何無崇我
識先賢意本誠驕侈地恣欲剏樓臺率情染朱翠四面
興土功四時妨農事可以沒凶災四隅通一二一年省
修營萬民停困躓動若契於理福匪神之遺動若越於
常禍乃身之致神在虛無間土中非神位

傷彩飾

朝見亦光彩暮見亦光彩一旦風雨飄十分無一在爾
形才似削爾貌不如昨本為是凡姿誰教染丹腹虛飾
片時間天意亦為惡物假猶如此人假爭堪作

世迷

烏兔日夜行與人運枯榮為善不常缺為惡不常盈天
道無阿黨人心自覆傾所以多遷變寧合天地情我願
造化手莫放狐兔走恣海產珍奇縱地生花柳美者一

齊美醜者一齊醜民心歸大朴戰爭亦何有

鵝泉

為害未為害其如汚物類斯言之一玷流傳極天地良
木不得栖清波不得戲曾戲水堪疑曾栖樹終棄天不
殲爾族與夫惡相濟地若默爾聲與夫妖為諱一時懷
害心千古不能替傷哉醜行人茲禽亦為譬

山中道者

筇杖六尺許坐石流泉所舉頭看古松似對仙鶴語是

時天氣清四迴無塵侶顧我笑相迎知有丹砂異

漁人

垂釣朝與暮披簑卧橫楫不問清平時自

一作日

樂滄波

業長畏不得閑幾度避遊畋當笑釣臺上逃名名却傳

聞猿

秋風颯颯猿聲起客恨猿哀一相似漫向孤危驚客心
何曾解入笙歌耳

經馬嵬坡

一從殺貴妃春來花無意此地縱千年土香猶破鼻寵
既出常理辱豈同常死一等異於衆傾覆皆如此

經鶴臺

築臺非謂賢獨聚乘軒鶴六馬不能馭九臯欲何託一
旦敵兵來萬民同隕濩如何驚露禽不似銜環雀一物
欲誤時衆類皆成惡至今臺基上飛鳥不至泊

寄遠

游子雖惜別一去何時見飛鳥猶戀巢萬里亦何遠安

願化為霜日
日下河梁
若能侵鬢色
先染薄情郎

御定全唐詩卷七百十八

欽定四庫全書

御定全唐詩卷七百十九

路德延

路德延冠氏人光化初擢第天祐中授拾遺河中節度使朱友謙辟掌書記詩三首

芭蕉

數歲時作
傳於都下

一種靈苗異天然體性虛葉如斜界紙心似倒抽書

感舊詩

初騎竹馬詠芭蕉嘗忝名卿誦滿朝
五字便容趨絳帳
一枝尋許折丹霄
豈知流落萍蓬遠
不覺推遷歲月遙
國境未安身未立
至今顏巷守箪瓢

小兒詩

情態任天然
桃紅兩頰鮮
乍行人共看
初語客多憐
臂膊肥如瓠
肌膚軟勝綿
長頭纔覆額
分角漸垂肩
散誕無塵慮
逍遙占地仙
排衙朱閣一作榻
上唱道畫堂前
合調歌楊柳
齊聲踏採蓮
走隄行細雨
奔巷趁輕煙
嫩竹

乘為馬新蒲折

一作掉

作鞭鶯雛金鉞繫猫

一作獨

子綵絲

牽擁鶴歸晴島驅鵝入暖泉楊花爭弄雪榆葉共收錢

錫鏡當胸挂銀珠對耳懸頭依蒼鶻裘袖學柘枝擅酒

殢丹砂暖茶催小玉煎頻邀籌箸掙

一作插

時乞繡鍼穿

寶篋拏紅豆妝奩拾翠鈿戲袍披按褥劣

一作尖

帽戴靴

氍毹展畫趨三聖開屏笑七賢貯懷青杏小垂額綠荷圓

驚滴露羅淚嬌流污錦涎倦書饒姪姘憎藥巧遷延弄

帳鸞綃映藏衾鳳綺纏指敲迎使鼓筋撥賽神絃簾拂

魚鉤動箏推雁柱偏碁圖添路畫笛管欠聲鑄惱客初
酣睡驚僧半入禪尋蛛窮屋瓦探雀遍樓椽拋果忙開
口藏鉤亂出拳夜分圍楫拙朝聚打鞦韆折竹裝泥燕
添絲放紙鳶互誇輪水碓相教放風旋旗小栽紅絹書
幽截碧牋遠鋪張鴿網低控射蠅弦一作吉語時時道
謠歌處處傳匿牕眉乍曲遮路臂相連鬪草當春選爭
毬出晚田柳傍慵獨坐花底困橫眠等鶻前籬畔聽蛩
伏砌邊傍枝粘舞蝶隈樹捉鳴蟬平島誇趨上層崖逞

捷緣嫩苔車迹小深雪履痕全競指雲生岫齊呼月上
天蟻窠尋逕劖蜂穴遶階填樵唱回深嶺牛歌下遠川
壘柴為屋木和土作盤筵險砌高臺石危跳峻塔磚忽
陞隣舍樹偷上後池船項橐稱師日甘羅作相年明時
方任一作在德勸爾減狂顛

句

不是上台知姓字五花賓館敢從容

上成汭 見南部
新書荆南舊有五

花館待賓
上地故云

李旭

李旭天祐元年進士登第詩一首

及第後呈朝中知己

凌晨曉鼓奏嘉音
雷擁龍迎出陸沈
金榜高懸當玉闕
錦衣即著到家林
真珠每被塵泥陷
病鶴多遭螻蟻侵
今日始知天有意
還教雪得一生心

崔庸

崔庸吳郡人天祐二年登進士第詩一首

題惠嚴寺

蕪州崑山惠嚴寺殿基或曰鬼工有僧繚畫龍每風雨如騰躍狀僧繚畫

鎖以釘固之

人莫嫌山小僧還愛寺靈殿高神氣力龍活客丹青

胡駢

胡駢唐末進士詩一首

經費拾遺舊隱

林下茅齋已半傾九華幽逕少人行不將冠劍為榮事
只向煙蘿寄此生松竹漸荒池上色琴書徒立世間名

白楊風起秋山暮時復哀猿啼一聲

周祚

周祚唐末進士詩一首

失題

莫道春花獨照人
秋花未必怯青春
四時風雨沒時節
共保松筠根底塵

盧頻

盧頻唐末人詩四首

蛺蝶行

東園宮草綠上下飛相逐君恩不禁春昨夜花中宿

東西行

種荷玉盆裡不及溝中水養雉黃金籠見草心先喜

失題

春淚爛羅綺泣聲抽恨多莫滴芙蓉池愁傷連蒂荷
一朶花葉飛一枝花光彩美人惜花心但願長春在

劉畋

劉敞唐末人詩一首

晚泊漢江渡

末秋雲木輕蓮折晚香清雨下侵苔色雲涼出浪聲疊
帆依岸盡微照夾隄明渡吏已頭白遙知客姓名

殘陽來霽岫獨興起滄洲

雨後張
為主客圖

御定全唐詩卷七百十九

欽定四庫全書

集部

御定全唐詩卷七百

二十一至二十三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻薦

謄錄監生臣鄭嶠

欽定四庫全書

御定全唐詩卷七百二十

裴說

裴說天祐三年登進士第官終禮部員外郎詩一卷

遊洞庭湖

楚雲團翠八百里
澧蘭吹香隨春水
白頭漁子搖蒼煙
鷓鴣眠沙曉鶯起
沙頭龍叟夜歎憂
鐵笛未響春風羞
露寒紫蟲結新愁
城角泣斷關河秋
謫仙欲識雷斧手

划却古今愁共醜
鯨遊碧落杳無踪
作詩三歎君知否
瀛洲一擢何時還
滿江宮錦看湖山

懷素臺歌

一作題
懷素臺

我呼古人名鬼神側耳聽
杜甫李白與懷素文星酒星
草書星永州東郭有奇怪
筆塚墨池遺跡在筆塚低低
高如一作似山墨池淺淺深如海
我來恨不已爭得青天
化為一張紙高聲喚起懷素書
搦管研朱點湘水欲歸
家重歎嗟眼前有三箇字
枯樹槎烏梢蛇墨老鷗

聞砧

一作寄
邊衣

深閨乍冷鑑開

一作香

簾玉筍微微濕紅頰一陣霜風殺

柳條濃煙半夜成黃葉垂垂

一作重

白練明如雪獨下閒

堦轉淒切祇知抱杵搗秋砧不覺高樓已無月時間寒

雁聲相喚紗窗只有燈相伴幾展齊紈又懶裁離腸恐

逐金刀斷細想儀形執牙尺回刀剪破澄江色愁捻銀

鍼信手縫惆悵無人試寬窄時時舉袖勻紅淚紅牋謾

有千行字書中不盡心中事一片慙勤寄邊使

春早寄華下同人

正是花時節思君寢復興市沽終不醉春夢亦無憑岳
面懸青雨河心走濁冰東門一條路離恨鎮相仍

贈衡山令

君吟十二載

一作三十載

辛苦必能官造化猶難隱生靈豈

易謾猿跳高岳靜魚擺大江寬與我為同道相留夜話
闌

南中縣令

寂寥雖下邑良宰有清威苦節長如病為官豈肯肥山
多村地狹水淺客舟稀上國搜賢急陶公早晚歸

寄曹松

一作洛
中作

莫怪苦吟遲詩成鬢亦絲鬢絲猶可染詩病却難醫山
暝雲橫處星沈一作稠月側時冥搜不可得一句至公知

贈賓貢

惟君懷至業萬里信悠悠路向東暝出枝來北闕求家
無一夜夢帆挂隔年秋鬢髮爭禁得孤舟徃復愁

漢南郵亭

高閣水風清
開門日送迎
帆張獨鳥起
樂奏大魚驚
驟雨拖山過
微風拂面生
閑吟雖得句
留此謝多情

棋

十九條平路
言平又嶮巖
人心無算處
國手有輸時
勢迫流星遠
聲乾下電遲
臨軒才一局
寒日又西垂

夏日即事

僻居門巷靜
竟日坐階墀
鵲喜雖傳一作還逢
信蛩吟不見

詩筍抽通舊竹梅落

一作墜

立閑枝此際無塵撓僧來稱

所宜

送人宰邑

官小任還重命官難偶然皇恩輕一邑赤子病三年瘦
馬稀食粟羸童不識錢如君清苦節到處有人傳

春暖送人下第

相送短亭前知君愚復賢事多憑夜夢老為待明年春
樹添山脊晴雲學曉煙雄文有公道此別莫潜然

湖外送何崇入閣

因詩相識久忽此告臨途便是有船發也須容市沽精
吟五箇字穩泛兩重湖長短逢公道清名振帝都

送進士蘇瞻亂後出家

因亂事空王孤心亦不傷梵僧為骨肉柏寺作家鄉眼
閑千行淚頭梳一把霜詩書不得力誰與問蒼蒼

秋日送河北從事

北風沙漠地吾子遠從軍官路雖非遠詩名要且聞蟬

悲欲落日鵬下擬陰雲此去難相戀前山揜袂分

喜友人再面

一別幾寒暄迢迢隔塞垣相思長有事及見却無言靜
坐將茶試閑書把葉翻依依又留宿圓月上東軒

對雪

大片向空舞出門肌骨寒路岐平即易溝壑滿應難免
穴歸時失禽枝宿處乾豪家寧肯厭五月畫圖看

冬日後作

寂寞掩荆扉昏昏坐欲癡事無前定處愁有併來時
日影纔添線鬢根已半絲明庭正公道應許苦心詩

冬日作

糲食擁敗絮苦吟吟過冬稍寒人却健太飽事多慵
樹老生煙薄牆陰貯雪重安能只如此公道會相容

中秋月

一歲幾盈虧當軒一作盈重此期幸無偏照處剛有不明

時色靜

一作淨

雲歸早光寒鶴睡遲相看一作望吟吟未足皎

皎下疎籬

塞上曲

極目望空濶馬羸程又賒月生方見樹風定始無沙楚
水辭魚窟燕山到雁家如斯名利役爭不老天涯

終南山

九衢南面色蒼翠絕纖塵寸步有閑處百年無到人禁
林寒對望太華淨相鄰誰與羣峰並祥雲瑞露一作霜頻

訪道士

高岡微雨後木脫草堂新惟有疎慵者來看淡薄人竹
牙生礙路松子落敲巾麤得玄中趣當期宿話頻

道林寺

獨立凭危闌高低落照間寺分一派水僧鎖半房山對
面浮世隔垂簾到老閑煙雲與塵土寸步不相關

般若寺

南嶽古般若若自來天下知翠籠無價寺光射有名詩一
水湧獸跡五峰排鳳儀高僧引閑一作閑引步畫出夕陽歸

一作
時

兜率寺

一片無塵地高連雲夢南
僧居跨鳥道佛影照魚潭
朽枿雲斜映平蕪日半涵
行行不得住回首望煙嵐

鹿門寺

鹿門山上寺突兀盡無塵
到此修行者應非取次人
鳥過驚石磬日出礙金身
何計生煩惱虛空是四鄰

題岳州僧舍

喜到重湖北孤州

一作舟

橫晚煙鷺銜魚入寺鵝接飯隨

船松檜君山迥菰蒲夢澤連與師吟論處秋水浸遙天

過洞庭湖

浪高風力大挂席亦言遲及到堪憂處爭如未濟時魚
龍侵莫測雷雨動須疑此際情無賴何門寄所思

旅行聞寇

動

一作寸

步憂

一作邊

多事將行問四鄰深山不畏虎當路

却防人豪富田園廢疲羸屋舍新自慙為旅客無計避

煙塵

後四句一作無事助明代何門銷
此身空慙兩行淚飄洒向紅塵

旅中作

妄動遠拋山其如餒與寒投人言去易開口說貧難
澤國雲千片湘江竹一竿時明未忍別猶待計窮看

旅次衡陽

欲往幾經年今來意豁然江風長借客岳雨不因天
戲鷺飛輕雪驚鴻叫亂煙晚秋紅藕裏十宿寄漁船

不出院僧

四遠叅尋偏修行却不行耳邊無俗語門外是前生塔
見移來影鐘間過去聲一齋惟默坐應笑我營營

湖外寄處賓上人

恠得意相親高攜一軸新能搜大雅句不似小乘人嶽
麓擎枯檜滿湘吐白蘋他年遇同道為我話風塵

寄貫休

憶昔與吾師山中靜

一作精

論時總無方是法難得始為

詩凍天眠乾葉飢禽啄病梨他年白蓮

一作雲

社猶許重

相期

寄僧尚顏

曾居五老峯所得共誰同才大天全與吟精楚欲空客
來庭減日鳥過竹生風早晚搖輕拂一作金錫重歸瀑布中

哭處默上人

淒涼總幕下香吐一燈分關老輸寒檜留閑與白雲挈
孟曾幾度傳衲不教焚泣罷重回首暮山鍾半聞

廬山瀑布

靜景憑高望光分翠嶂開嶮飛千尺雪寒撲一聲雷過
去雲衝斷旁來燒隔迴何當住峯下終歲絕塵埃

華山上方

獨上上方上立高聊稱心氣衝雲易黑影落縣多陰有
雲一作雪草不死無風松自吟會當求大藥他日復追尋

詠鸚鵡

常貴西山鳥銜恩在玉堂語傳明主意衣一作翅拂美人

香緩步尋珠網高飛上畫梁長安頻道樂何日從君王

鷺鷥

秋江清淺時魚過亦頻窺却為分明極翻成

一作令

所得

遲浴偎紅日色棲壓碧蘆枝會共鷗同侶翱翔應可期

牡丹

數朶欲傾城

一作色堪驚

安同桃李榮未嘗貧處見不似地

中生此物疑無價當春獨有名遊蜂與蝴蝶來往自多情

見王貞白

共賀登科後明宣入紫宸又看重試榜還見苦吟人此
得名渾別歸來話亦新分明一枝桂堪動楚江濱

經杜工部墳

騷人久不出安得國風清擬掘孤墳破重教大雅生皇
天高莫問白酒恨難平悵怏寒江上誰人知此情

寄僧知乾

貌高清入骨帝里舊臨壇出語經相似行心佛證安

亂中偷路入故鄉

愁看賊火起諸烽
偷得餘程悵望中
一國半為亡國燼
數城俱作古城空

薔薇

一架長條萬朵春
嫩紅深綠小窠勻
只應根下千年土
曾葬西川織錦人

春日山中竹

數竿蒼翠擬龍形
峭拔須教此地生
無限野花開不得
半山寒色與春爭

柳

高拂危樓低拂塵
灞橋攀折一何頻
思量却是無情樹
不解迎人只送人

岳陽兵火後題僧舍

十年兵火真多事
再到禪扉却破顏
唯有兩般燒不得
洞庭湖水老僧閑

句

讀書貧裏樂搜句
靜中忙

苔溪
漁隱

苦吟僧入定得句將

成功

以下詩話

是事精皆易惟詩會却難

贈貫休

因攜一

家住贏得半年吟

石首縣

吟餘潮入浦坐久燒移山

江湘

三年清似水六月冷如冰

贈縣令

一通紅錦重三事

紫羅輕

以下綉石書堂

瘦肌寒帶粟病眼餒生花

避亂一

生多

雪留寒竹寺舍冷風撼早梅城郭香

錦綉萬花谷

畫毬輕蹴壺中地綵索高飛掌上身

清明事文類聚

御定全唐詩卷七百二十

欽定四庫全書

御定全唐詩卷七百二十一

李洞

李洞字才江京兆人諸王孫也慕賈島為詩鑄其像事之如神時人但謂其僻澀而不能貴其奇峭唯吳融稱之昭宗時不第遊蜀卒詩三卷

贈唐山人

垂鬚長似髮七十色如鰲醉眼青天小吟情太華低千

年松繞屋半夜雨連溪

一作房烘離海日舟陷落潮泥

叩蜀路無限往

來琴獨

一作攜自

送雲卿上人游安南

一作送僧游南海

春往海南邊秋間半夜

一作路

蟬鯨吞

一作吹又作噴

洗鉢水犀

觸點燈船島嶼分諸國星河共一天長安

一作空

却迴日

松偃舊房前

鄭補闕山居

高節諫垣客白雲居靜坊馬飢餐落葉鶴病曬殘陽野

霧昏朝燭溪牋惹御香相招倚蒲壁論句夜何長

送曹郎中

一本有罷官二字

南歸時南中用軍

桂水淨和天南歸似謫仙繫條輕象笏買布接蠻船海

氣蒸輦軟

一作濕

江風激

一作擘

箭偏罷郎吟亂裏帝遠豈

知賢

錦江陪兵部鄭侍郎話詩著棊

一作和兵部永崇侍郎句筵棊

席

落葉濺吟身會棊雲外

一作風雪

人海枯搜

一作談

不盡天定

著長新月上分題遍鐘殘布子勻

一作穿闕茅山
敵臨江謝客鄰忘餐

一作機

二絕境

一作高客取一作絕

意鑄陶鈞

中秋月

四十五秋宵月分千里毫冷

一作陰

沉中嶽短光溢太行

高不寐清

一作醒

人眼移棲濕鶴毛露華臺上別吟

一作愁

望十年勞

送沈光赴福幕

一作送福
州從事

泉齋嶺

一作嶺
前齋

鳥飛雨熟荔枝肥南斗看應近北人來

恐稀潮浮廉使宴珠照島僧歸幕下逢一作聞遷拜何官

着茜衣

鄆一作鄆郊山舍題趙處士林亭

圭峰秋後疊

一作蟲又作夜

亂葉落寒墟四百竿竹二三千

卷書雲深猿拾

一作盜

栗雨霽蟻緣

一作沾

疏只隔門前水

如同萬里餘

圭峰在終南山

賦得送賈島謫長江

敲鑪吟雪月謫出國西門行傍長江影愁深汨水魂筇

攜過竹寺琴典在花村飢拾

一作食

山松子誰知賈傅孫

河陽道中

衝風仍躡凍提轡手頻呵得事應須早愁人不在多雪
田平入塞煙郭曲隨河翻憶江濤裏船中睡蓋蓑

送知己赴濮州

中路行僧謁郵亭話海濤劍搖林狖落旗閃岳禽高苔
長空州獄花開夢省曹濮陽流政化一半布

一作有風騷

送行脚僧

餅枕繞腰垂出門何所之
毳衣霑雨重樓笠看山歌
夜觀入枯樹野眠逢斷碑
鄰房母淚下相課別離詞

龍州送人赴舉

獻策赴招攜行宮積翠西
挈囊秋卷重轉棧晚峰齊
踏

月趨金闕

一作候朝見

拂雲看御

一作省

題飛鳴豈

一作肯

回顧

獨鶴困江泥

送安撫從兄

一作口

夷偶中丞

奉詔向軍前朱袍映雪鮮
河橋吹角凍嶽月卷旗圓
僧

救焚經火人修著釣船六州安撫後萬戶解衣眠

送遠上人

海嶽

一作島

兩無邊去來都偶然齒因吟後冷心向靜中

圓蟲網花間

一作宮

井鴻鳴

一作嘶

雨後天葉書歸舊寺應

附載鐘船

宿鳳翔天柱寺窮易元上人房

天柱暮相逢吟思天柱峰墨研青露月茶吸白雲鐘卧

語身粘蘚行禪頂拂松探元為一決

一作訣

明日去臨卽

下第送張霞歸覲江南

此道背於時攜歸一軸詩樹沉孤鳥遠風逆蹇驢遲草
入吟房壞潮衝釣石移恐傷歡覲意半路摘愁髭

送人之天台

行李一枝藤雲邊曉扣冰丹經如不謬白髮亦何

一作若為

能淺井仙人鏡明珠海客燈乃知真隱者笑就漢廷徵

維摩暢林居

一作題維摩
暢上人房

諸方游幾臘五夏五峰銷越請迎騎象蕃齋懺射鵬冷

筇和

一作書

雪倚朽櫟帶

一作折話

雲燒從此西林老
瞥然三

萬朝

送張喬下第歸宣州

詩道世難通
歸寧楚浪中
早程殘嶽月
夜泊隔淮鐘
一鏡隨雙鬢
全家老半峰
無成來往過
折盡謝亭松

送盧

一作唐

郎中赴金州

雲明天

一作添

嶺高刺郡輟仙曹
危棧窺猿頂

一作鴻背

公庭

埽鶴毛
出軍青壁鏐
話道白眉毫
遠集歌謠客
州前泊

幾艘

江干即事

病卧四更後愁聞報早衙
隔闌沉水鳥侵郭噪園鴉
吏瘦餐溪栢身羸凭海槎
滿朝吟五字應不老煙霞

寄賀鄭常侍

山亦懷恩地高禽盡下飛
吏穿霞片望僧埽月稜歸
省拜墀煙近林居玉漏微
曾令駐錫話聊用慰攀依

登樓

川上值樓開寒山四面來竹吹人語遠峰礙鳥飛迴生
死別離陌朝昏雲雨堆誰知獨立意澹淚落莓苔

贈禪友

散花留內殿宮女夢談禪樹杪開樓鎖雲中認嶽蓮溪
聲過長耳節節出羸肩飛句相招宿多逢有月天

早春友人訪別南歸

南歸來取別窮巷坐青苔一盞薄醪酒數枝零落梅潮
生楚驛閉

一作澤潤

星在越樓開明日望君處前臨風月臺

題雲際寺

開門風雪頂上徹困飛禽猿戲青冥裏人行紫閣

一作翠

陰臘泉水下出夜磬月中尋盡欲居巖

一作宮

室如何不

住心

山寺老僧

雲際衆僧裏獨攢眉似愁護荼高夏臘愛火老春秋海
浪南魯病河水北苦遊歸來諸弟子白徧後生頭

同僧宿道者院

攜文過

一作三

水宿拂席四廊塵墜果敲樓瓦高螢映鶴

身點燈吹葉火談佛悟山人盡有棲霞志好謀三教鄰

古柏

手植知何代年齊偃蓋松結根生別樹吹子落鄰峰古
榦經龍嗅高煙過雁衝可佳繁葉盡聲不礙秋鐘

贈王鳳二山人

山兄望鶴信山弟聽烏占養藥同開鼎休棊各枕奩相
逢九江底共到五峯尖願許為三友羞將白髮掬

避地冬夜與二三禪侶吟集茅齋

四海通禪客搜吟會草亭

一作葉
攤扁

撚髭孤燭白閉目衆

山青松

一作
壁

挂敲冰杖壚溫注月鉞獨愁懸

一本
缺

舊旆

笏冷立殘星

贈道微禪師

銅鉞澀瀉水出磧躡蓮層猛虎降低鼠盤鵬望小蠅通
禪五日照祖幾朝燈短髮歸林白何妨剃未能

弔草堂禪師

杖屨疑師在房闕四壁蜚貯餅經臘水響塔隔山鐘乳

鴿沿苔井

一作樵客
收林果

齋猿散雪峰如何不見性倚徧寺

前松

一作月下
哭雙松

宿長安蘇雍主簿廳

縣對數峰雲官清主簿貧聽更池上鶴伴值岳陽人井
鎖煎茶水廳闕搗藥塵往來多屐步同舍即諸鄰

秋宿潤州劉處士江亭

北夢風吹斷江邊處士亭吟生萬井月見盡一天星浪

靜魚衝鎖

一作石

窗空

一作空

高鶴聽經東西渺

一作杳

無際

一作作

畔

世界半滄溟

秋日曲江書事

門搖枯葦影落日共鷗歸園近鹿來熟江寒人到稀片

雲穿塔

一作竇

過枯葉入城飛翻怕賓鴻至無才動禮闈

秋宿經

一作荆

上人房

江房無葉落松影帶山高滿寺中秋月孤窗入夜濤舊

真懸石壁衰髮落銅刀卧聽曉耕者與師知苦勞

冬日題覺公牛頭蘭若

天寒高木靜一磬隔川聞
鼎水看山汲臺香埽雪焚鶴

歸惟

一作遙

認剎僧步不離雲石室開禪後輪珠謝聖君

送皇甫校書自蜀下峽歸覲襄陽

蜀道波不竭巢鳥出浪痕
松陰蓋巫峽雨色徹荆門宿

寺青山

一作燈一作峰

盡歸林綵服翻苦吟懷凍餒為弔浩然

魂

題西明寺攻文僧林復上人房

誰寄湘南

一作江

信陰窗硯起津燒痕碑入集海角寺留

真樓憩長空鳥鐘驚半闕人御溝圓月會似在草堂身

一作貧

寄翠微無可上人

一作無學禪師

遠近衆心歸居然

一作山又作禪居

占翠微展經猿識字聽法

虎知非泉注城池夢霞生侍衛衣玄機不可學

一作覺何

似總無機

喜鸞公自蜀歸

禁院對

一作生臺尋詩到綠槐寺高猿看講鐘動鳥知

齋埽石月盈簾瀝泉花滿節歸來逢聖節吟步上堯階

題新安國寺

佛亦遇艱難重興疊廢壇偃松枝舊折畫竹粉新乾開
講宮娃聽拋生禁鳥餐鐘聲入帝夢天竺化長安

蕃寇侵逼南歸道中

雲州

一作陽

三萬騎南走

一作赴

疾飛鷹迴磧星低雁孤城

月伴僧敲關通漢節傾府守河永無處論邊事歸溪夜

結罽

送東宮賈正字之蜀

南朝獻

一作
駢

晉史東蜀

一作
蜀地

瞰巴樓長棧懷宮樹

一作
館

踈峯露劒州半空飛雪化一道白雲流若次江邊邑宗

詩為徧搜

弔侯圭常侍

我重君能賦君褒我解詩三堂一拜遇四海兩心知影
挂僧挑燭名傳鶴拂碑涪江弔孤塚片月下一作落峨眉

顏上人房

一作題西明
自覺上人房

御溝臨岸行遠岫見雲生松下度三伏磬中銷五更雨
淋經閣白日閃剃刀明海畔終須去燒燈老國清

御定全唐詩卷七百二十一

欽定四庫全書

御定全唐詩卷七百二十二

李洞

題崔少府莊

何須鑿井飲門占古溪居寂寞苔牀卧寒虛玉柄書有
期登白閣又得賞紅蕖清淺蒲根水時看鷺啄魚

寄太白隱者

開闢已來雪為山長欠春高遮辭一作雲磧雁寒噤入

川人棧閣交

一作連

冰柱耕樵隔日輪此中棲息者不識

兩京塵

秋宿青龍禪閣

前山不可望暮色漸沉規日轉須彌北蟾來渤海西風

鈴亂僧語霜耕久猿啼閣外千家月

一作夢

分明見裏迷

登圭峯舊隱寄薦福棲白上人

返照塔輪邊殘霖滴幾懸夜寒吟病甚秋健講聲圓粟

穗乾燈焰苔根濁水泉

一作內殿思行後巖房約在前

西峰埋蘚石秋

月即師禪

將之蜀別友人

嘉陵雨色青

一作清

澹別酌參苓到蜀高諸嶽窺天合四

溟書來應隔雪夢覺已無星若過多吟友何妨勘竺經

弔膳曹從叔郎中

華省支殘俸寒蔬辦祭稀安墳對白閣買石折朱衣蜀
客彈琴哭江鷗入宅飛帆吹佳句遠不獨徧王畿

亂後龍州送鄭郎中兼寄鄭侍御

待車登疊

一作皆

嶂經亂集鷁原省壞蘭終潔

一作飄葉

臺寒

一作空

栢有根縣清江入峽樓靜雪連村莫隱匡山社機

雲受晉

一作晉受恩

段秀才溪居送從弟遊涇隴

抱疾寒溪卧因循草木青相留開夏蜜

一作聞夏蛩

辭去見

秋螢朔雪痕

一作寒

侵雍邊烽焰

一作夜

照涇煙沉隴山色

西望涕交零

題劉相公光德里新構茅亭

野色迷亭曉
龍墀待押班
帶涎移海木
兼雪寫湖山
月白吟牀冷
河清直印閒
唐封三萬里
人偃翠微間

江峽寇亂寄懷吟僧

半錫探寒流
別師猿鶴洲
二三更後雨
四十字邊一作論

秋立塞吟霞
石敲輦看雪
樓扶親何處
隱驚夢入嵩
丘
賀昭國從叔
員外轉本曹
郎中

苔砌塔陰濃
朝回尚叫蜚
粟徵山縣
欠官轉水曹
重燈照樓中
雨書求海上
峰詩家無驟
顯一一古人
蹤

贈宋校書

曾伴元戎獵寒來夢北軍閑身不計日病鶴一作鹿放歸

林石上鋪碁勢船中賭酒分長言買天姥高卧謝人羣

越公上人洛中歸寄南孟家兄弟

洛下因歸去關西憶二龍笠漫河岸雪衣著號城鍾睡
鴨浮寒水樵人出遠峰何當化問俗護取草堂松

龍州送裴秀才

違拜旆旗前松陰路半千樓衝高雪會驛閉亂雲眠
勝

挂臨江省名題赴宅筵人求新蜀賦應貴浣花牋

題慈恩友人房

賈生耽此寺勝事入詩多鶴宿星千樹僧歸曉一坡塔
稜垂雪水江色暎茶鍋長久堪棲息休言憶鏡波

寄竇禪山薛秀才

竇嶺吟招隱新詩滿集賢白衫春絮暖紅紙夏雲鮮琴
纏江絲細碁分海石圓因知醉公子虛寫世人傳

西蜀與崔先生話東洛舊遊

王屋峭難名三刀夢四更日升當地缺星盡未天明度
雪雲林濕穿松角韻清崔家開錦浪憶着水窗聲

上昭國水部從叔郎中

極南極北遊東汎復西流行匝中華地魂銷四海秋題
詩在瓊府附舶出青州不遇一公子彈琴弔古丘

題玉芝趙尊師院

曉起磬房前真經誦百篇漱流星入齒照鏡石差肩靜
閉街西觀存思海上仙閑聽說五嶽窮徧一根蓮

送盧少府之任鞏洛

從知東甸尉銓注似恩除帶土移嵩木和泉送尹魚印
牀寒鷺宿壁記醉僧書堂下諸昆在無妨候起居

送人歸覲河中

青門塚前別道路武關西有寺雲連石無僧葉滿溪河
長隨鳥盡山遠與人齊覲省波濤縣寒窗響曙雞

錦城秋寄懷弘播上人

極頂雲兼凍孤城露洗初共辭嵩少雪久絕貝多書遠

照雁行細寒條
狄挂虛分泉煎
月色憶就茗林居

圭峯溪居寄懷韋曲曹秀才

南北飛山雪萬片
寄相思東西曲流水
千聲瀉別離巴
猿學導引隴鳥解吟詩
翻羨家林賞世人
那得知

送舍弟之山南

南山入谷遊去徹
山南州下馬雲未盡
聽猿星正稠印
茶泉遶石封國角
吹樓遠宦有何興
貧兄無計留

題南鑒公山房

竹房開處峭迥挂半山燈石磬敲來穴不知何代僧講
歸毀袖雪禪起一盂冰唯說黃桑屐當時着秣陵

送知已

郡清官舍冷枕席濺山泉藥氣來人外燈光到鶴邊夢
秦書印斗思越畫漁船擲笏南歸去波濤路幾千

送人赴職湘潭

第六句
缺二字

南征雖赴辟其奈負高科水合湘潭住山分越國多梅
花雪共下文
相和白髮陪官宴紅旗影裏歌

過野叟居

野人居止處竹色與山光
留客羞蔬飯灑泉開草堂
雨餘松子落風過木苗香
盡日無炎暑眠君青石牀

弔鄭賓客

朝行喪名節嶽色慘天風
待漏秋吟斷焚香夜直空
骨寒依隴草一作兔一作樹
家盡逐邊鴻一弔知音後
歸來碎嶸

桐

送從叔書記山陰隱居

山頂絕茅居雲泉遶枕虛燒移僧影瘦風展鷺行疎卷
箔清江月敲松紫閣書由來簪組貴不信教猿鋤

避暑莊嚴禪院

定裏無煩熱吟中達性情入林逢客話上塔接僧行八
水皆知味諸翁盡得名常論冰井近莫便厭浮生

寄清演

忽聞清演病可料苦吟身不見近詩久徒言華髮新別
來山已破住處月為鄰幾遶庭前樹于今四十春

遷村居二首

移居入村宇，樹闕見城隍。
雲水雖堪畫，恩私不可忘。
猿涎滴鶴氅，麈尾拂僧牀。
棄逐隨樵牧，何由報稻粱。

歌樂聽常稀，茅亭靜掩扉。

一作畫

來垂釣次，月落問安。

歸遠客，傳燒研幽禽看衲衣。
眼前無俗事，松雨蜀山輝。

出山覩春陂

未老鬢毛焦，心歸向石橋。
指霞辭二紀，吟雪過三朝。
連席頻登相，分廊尚祝堯。
迴眸舊行侶，免使負高樵。

賈島墓

一第人皆得先生豈不銷位卑終蜀士詩絕占唐朝旅
葬新墳小魂歸故國遙我來因奠灑立石用為標

觀水墨障子

若非神助筆硯水恐藏龍研盡一寸墨埽成千仞峰壁
根堆亂石牀罅插枯松嶽麓穿因鼠湘江綻為蒼挂衣
嵐氣濕夢枕浪頭春只為少顏色時人著一作看意慵

對碁

小檻明高雪幽人關智基日斜拋作劫月午蹙一作變成

遲倚秋湘僧筭翹松野鶴窺側楸敲醒睡片石夾吟詩

雨點奩中漬燈花局上吹秋濤寒竹寺此興謝公知

題竹溪禪院

溪邊一作連山一色水擁竹千竿鳥觸翠微濕人居酷暑

寒風搖餅影碎沙陷履痕端真極青一作清崖樹平流綠

峽灘閑來披衲數漲後卷經看三境通禪寂翳塵染着

難

投獻吏部張侍郎十韻

苔染馬蹄青何曾似在城不於僧院宿多傍御溝行
隱岫侵巴疊租田帶渭平肩囊尋省寺袖軸徧公卿
夢入連濤郡書來積雪營淚隨邊雁墮魂逐一作共夜蟬驚發
憤巡江塔無眠數縣更元都一病客興善幾回驚貢藝
披沙細酬恩戴嶽輕心期公子念滴酒在雕楹

終南山二十韻

關內平田窄東西截杳冥雨侵諸縣黑雲破九門青暫

看猶無暇長棲信有靈古苔秋漬斗積霧夜昏螢怒恐
撞天漏深疑隱地形盤根連北嶽轉影落南溟窮穴何
山出遮蠻上國寧殘陽高照蜀敗葉遠浮涇斲竹煙嵐
凍偷揪雨電腥閑房僧灌頂浴澗鶴遺翎梯滑危緣索
雲深靜唱經放泉驚鹿睡聞磬得人醒踏著神仙宅敲
開洞府局碁殘秦士局字缺晉公銘一谷勢當午一作開子
孤峰聳起丁遠平丹鳳闕冷射五侯廳萬丈氷聲折千
尋樹影停一作亭望中仙島動行處月輪瞽疊石移臨砌

研膠潑上屏明時獻君壽不假老人星

秋日同覺公上人眺慈恩塔六韻

九級聳蓮宮晴登袖拂虹房廊窺井底世界出籠中照
牖三山火吹鈴八極風細間槎客語遙辨海魚冲禁靜
聲連北江寒影在東謁師開秘鎖塵日閉虛空

感知上刑部鄭侍郎

寄掩白雲司蜀都高卧時鄰僧照

一作點

寒竹

一作燭

宿鳥

動秋池帝誦嘉蓮表人吟寶劍詩石渠流月斷畫角截

江吹閑出黃金勒前飛白鷺鷁公心外國說重望兩朝

一作

推靜蘚斜圭影孤窗響錫枝興幽松雪見心苦硯

冰知緣杖蛩聲切過門馬足遲漏殘終卷讀日下大名
垂平磧容鵬上仙山許狄窺數聯金口出死兔愧丘為

叙事寄薦福棲白

一作聽白
公話舊

險倚石屏風秋濤夢越中前朝吟會散故國講流終北
地間巴狄南山見磧鴻樓高驚雨濶木落覺城空兔滿
期姚監蟬稀別楚公

一作望
塞翁

淨瓶光照客拄杖朽生蟲

平地塔千尺半空燈一籠祝堯談幾句旋瀉海濤東

樓白

有宣宗壽

昌節詩

送龍州田使君舊詩家

御札軫西陲龍州出牧時度關雲作雪挂機水成澌劍
淬號猿岸弓懸宿鶴枝江燈混星斗山木亂槍旗鎖庫
休秤藥開樓又見詩無心陪宴集吟苦憶京師

和一作送知已赴任華州

東門罷相郡此拜動京華落日開宵印初燈見早麻鶴

身紅旆拂仙掌白雲遮塞色侵三縣河聲聒兩衙松根

醒客酒蓮座

一作葉

隱僧家一道帆飛直中筵嶽影斜書

名

一作銘

尋雪石澄鼎露金沙鎖合眠關吏杯寒啄廟鴉

分臺話嵩洛賽雨戀

一作拜

煙霞樹谷期招隱吟詩煮栢

茶

題咸陽樓

晚亞

一作量

古城門凭高黯客魂塞侵秦舊國河浸漢荒

村客

一作官

路颺

一作揚

書燼人家帶水痕獵頻虛塚穴耕

苦露松根牆外峰粘漢冰中日是原斷碑移作砌廣第
灌成園北馬疑眠磧南人憶釣湓橋閑野鹿過街靜禁
鴉翻灘鼓城隍動雲衝太白昏標衣多呂裔荷鋪或劉
孫弔問難知主登攀強滴罇不能扶壯勢冠劍惜乾坤

贈興善徹公上人

師資懷劍外徒步管街東九里山橫燒三條木落風古
池曾看鶴新塔未吟蟲夜久龍髯冷年多麈尾空心宗
本無礙問學豈難同

龍池春草

龍池清禁裏芳草傍池春
旋長方遮岸全生不染塵
和風輕動色湛露靜流津
淺得承天步深疑遶御輪
魚尋倒影沒花帶濕光新
肯學長河畔綿綿思遠人

秋宿梓州牛頭寺

月去簷三尺川雲入寺樓
靈山頓離衆列宿不多稠
篆字焚初缺翻經誦若流
窗閑二江冷簾卷半空秋
詔散松梢別碁終竹節收
靜增雙闕念高並五翁遊
鶴夢生

紅日雲開鎖梓州
望空工部眼搔亂
廣文頭石室僧調
馬銀河客問牛
曉樓歸下界大地一浮漚

送韋太尉自坤維除廣陵

全蜀拜揚州征徂

一作徂

東轍武侯直來萬里月
旁到五峯

秋幢冷遮高雪旗

一作旌

閑卓亂流謝朝明主喜登省舊

寮愁隔海城通
舶連河市響樓千官倚
元老虛夢法雲遊

御定全唐詩卷七百二十二

欽定四庫全書

御定全唐詩卷七百二十三

李洞

贈曹郎中崇賢所居

一作上崇賢曹郎中

閑坊宅枕穿宮水聽水分衾蓋蜀繒

一作盡蜀僧

藥杵聲中

擣殘夢茶鐺影裏煮孤燈刑曹樹蔭千年井華嶽樓開
萬仞冰詩句變風官漸緊夜濤春斷海邊藤

贈昭應沈少府

行宮接縣判雲泉袍色雖青骨且仙
鄠杜憶過梨栗墅
瀟湘曾棹雪霜天
華山僧別留茶鼎渭水人來鎖釣船
東送西迎終幾考
新詩覓得兩三聯

上司空員外

禪心高卧似疎慵
詩客經過不厭重
藤杖幾攜量磧雪
玉鞭曾把數嵩峰
夜眠古巷一作卷當城
月秋值清曹入省
鐘禹鑿故山歸
未得河聲暗一作聒
老兩三松

叙舊遊寄栖白

老着重袍坐石房，竺經休講白眉長。
省衝鼉沒投江島，曾看魚飛倚海牆。
曉災凍，孟原日氣夜挑蓮，
碗禁燈光吟詩五嶺尋，無可倏忽如今四十霜。

哭栖白供奉

聞說孤窗坐化時，白莎蘿雨滴空池。
吟詩堂裏秋闌影，禮佛燈前夜照碑。
賀雪已成金殿夢，看濤終負石橋一作樓。
期逢山對月，還惆悵爭得無言似祖師。

贈入內供奉僧

內殿談經愜帝懷
沃州歸隱計全乖
數條雀尾來南海
一道蟬聲噪御街
石枕紋含山裏葉
銅鉗口塞井中柴
因逢夏日西明講
不覺宮人拔鳳釵

感恩書事寄上集義司徒相公

積雪峯西遇獎稱
半家寒骨起溝塍
鎮時賢相回人鏡
報德慈親點佛燈
授鉞已聞諸國靜
坐籌重見大河澄
功居第一圖煙閣
依舊終南滿杜陵

贈永崇李將軍充襄陽制置使

拜官門外發輝光宿衛陰符注幾行行處近天龍尾滑
獵時陪帝馬繫香九城王氣生旗隊萬里寒風入箭瘡
從此浩然聲價歇武中還有李襄陽

寄淮海惠澤上人

海濤痕滿舊征衣長憶初程宿翠微竹裏橋鳴知馬過
塔中燈露見鴻飛眉毫一作毛別後應盈尺岳木居來定
幾圍他日願師容一榻煎茶埽地學忘機

春日隱居官舍感懷

風吹燒燼雜汀沙還似青溪舊寄家
入戶竹生牀下葉
隔窗蓮謝鏡中花
苔房毳客論三學
雪嶺巢禽看兩衙
銷得人間無限事
江亭月白誦南華

春日即事寄一二知己

浴馬池西一帶泉
開門景物似樊川
朱衣暎水人歸縣
白羽遺泥鶴上天
索米夜燒風折木
無車一作驢春養
雪藏鞭縉紳處
士知章句忍使孤窗枕淚眠

廢寺閑居寄懷一二罷舉

一本無此二字

知己

一作省歸郎

病居廢廟冷吟煙無力爭飛類病蟬槐省老郎蒙主棄
月陂一作波孤客望誰憐稅房兼得調猿石租地仍分浴
鶴泉處世堪驚又堪媿一坡山色不論錢

題尼大德院

雲鬟早歲斷金刀戒律曾持五百條臺上燈紅蓮葉密
眉間毫白黛痕銷繡成佛國銀為地畫出王城雪覆橋
清淨高樓松檜寺世雄翻媿自低腰

懷張喬張霞

西風吹雨葉還飄憶我同袍隔海濤江塔照山青入佛
邊城履雪白連鵬身離世界歸天竺影挂虛空度石橋
應念無成獨流轉嬾磨銅片鬢毛焦

贈徐山人

徐生何代降坤維曾伴園公採紫芝瓦礫變黃憂世換
髭鬚放白怕人疑山房古竹簷於樹海島靈童壽等龜
知歎有唐三百載光陰未抵一先碁

寄南嶽僧

新秋日後曬書天白日當松影却圓五字句求方寸佛
一條街擘兩行蟬不曾著事於機內長合教山在眼前
花落倚公房外石調猿弄虎歎無緣

華山

碧山長凍地長秋日夕泉源聒華州萬戶烟侵關令宅
四時雲住使君樓風驅雷電臨河震鶴引神仙出月遊
峰頂高眠靈藥熟自無霜雪上人頭

和曹監春晴見寄

竺廟鄰鐘震曉鴉春陰蓋石似仙家蘭臺架列排書目
顧渚香浮淪茗花膠溜石松粘鶴氅泉離氷井熨僧牙
功成名著扁舟去愁覩前題罩碧紗

贈三惠大師

楓猿嶠角別多時三教兼修內學師藥樹影中頻綴偈
蓮峰朶下幾窺碁遊歸筍長齋童子病起巢成露鶴兒
詔落五天開夏誨兩街人競禮長眉

送醉畫王處士

幾年來興住南吳狂醉蘭舟夜落湖別後鶴毛描轉細
近來牛角飲還麤同餐夏果山何處共釣秋濤石在無
關下相逢怪予老篇章役思繞寰區

聞杜鵑

萬古瀟湘波上雲化為流血杜鵑身長疑啄破青山色

祇恐啼穿白日

一作月

輪花落玄宗迴

一作歸

蜀道雨收

一作

飛工部宿江津聲

一作

聲猶得到

一作恐

君耳不見千秋

家一作一愁一作甌塵

賦得送軒轅先生歸羅浮山

舊山歸隱浪搖青綠鬢山童一帙經詩

一作符

帖布帆猿

鳥看藥煎金鼎鬼神聽洞深頭上聆仙語

一作覺船過

船一作

樓

靜鼻中間海腥此處先生應不住吾君南望漫勞形

送包處士

秋

一作愁

思枕月卧瀟湘寄宿慈恩竹

一作寺

裏房性急却

還

一作於

碁上慢身閑未免藥中忙休拋手網驚龍睡曾

挂頭巾拂鳥行聞說石門君舊隱寒峰濺瀑壞書堂

贈龐鍊師

女人

家住涪江漢語嬌一聲歌戛玉樓簫睡融春日柔金縷
妝發秋霞戰翠翹兩臉酒醺紅杏妬半胸酥嫩白雲饒
若能攜手隨仙令皎皎銀河渡鵲橋

送友罷舉赴邊職

出剡篇章入洛文無人細讀歎俱焚莫辭秉笏隨紅旆
便好攜家住白雲過水象浮蠻境見隔江一作關猿呌漢
州聞高談濶畧陳從事盟誓邊庭壯我軍

病猿

瘦纏金鎖惹朱樓一別巫山樹幾秋
寒想蜀門清露滴暖懷湘岸白雲流
罷拋簷果沉僧井休拗崖冰濺客舟
啼過三聲應有淚一作恨畫堂深不徹王侯

斃驢

蹇驢秋斃瘞荒田忍把敲吟舊竹鞭
三尺焦桐一作輕背殘月一條藜杖卓一作瘦藤
寒煙通吳白浪寬圍國倚蜀青山
峭入天如畫海門揷肘望一作看阿誰家一作教賣釣

魚船

宿葉公棊閣

帶風棊閣竹相敲
局瑩無塵拂樹梢
日到長天征未斷
鐘來嶽頂劫須拋
挑燈雪客棲寒店
供茗溪僧熬廢巢
因悟修身試貪教
不須焚火向三茅

送郤先輩歸覲華陰

桂枝博得鳳棲枝
歡覲家僮舞翠微
僧向瀑泉聲裏賀
鳥穿仙掌指間飛
休停硯筆吟荒廟
永別燈籠赴鎖闥

騷雅近來頽喪甚送君傍覺有光輝

贈可上人

寺門和鶴倚香杉月吐秋光到思嚙將法傳來穿決潚
持詩吟去入嵌巖模糊書卷煙嵐滴狼籍衣裳瀑布絨
不斷清風牙底嚼無因內殿得名銜

東川高僕射

油幢影裏拜清風十里貌貅一片雄二印鎖開霜滿地
四門關定月當空泉浮山葉人家過詔惹鑪香鳥道通

新起畫樓攜客上絃歌筵內海榴紅

宿成都松溪院

松持節操溪澄性一炷煙嵐壓寺隅翡翠鳥飛人不見
琉璃餅貯水疑無夜聞子落真山雨曉汲波圓入畫圖
塵擁蜀城抽鎖後此中猶夢在江湖

弔曹監

宅上愁雲吹不散桂林詩骨葬雲根滿樓山色供鄰里
一洞松聲付子孫甘露施衣封淚點秘書取集印苔痕

吟魂醉魄歸何處
御水鳴鳴夜遶門

贈長安畢郎中

高門寒沼水連雲
鷺識朱衣傍主人
地肺半邊晴帶雪
天街一面靜無塵
朝迴座客酬琴價
衙退留僧寫鶴真
從此幾遷為計相
蓬萊三刻奏東巡

寄東蜀幕中友

官亭池碧海榴殷
遙想清才倚畫欄
柳絮漲天籠地暖
角聲經雨透雲寒
曉侵台座香煙濕
夜草軍書蠟燭乾

為話門人吟太苦風摧蘭秀一枝殘

曲江漁父

兒孫閒弄雪霜髯浪颭南山影入簷卧穩蓬舟龜作枕
病來茅舍網為簾值春游子憐萼滑通蜀行人說鱸甜
數尺寒絲一竿竹豈知浮世有猜嫌

和劉駕博士贈莊嚴律禪師

人言紫綬有光輝不二心觀似草衣塵劫自營還自壞
禪門無住亦無歸松根穴蟻通山遠塔頂巢禽見海微

每話南遊偏起念五峰波上入船扉

智新上人話舊

蟋蟀燈前話舊遊師經幾夏我經秋
金陵市合月光裏
甘露門開峰朶頭晴眺遠帆飛入海
夜禪陰火吐當樓
相看未得東歸去滿壁寒濤瀉白鷗

和淮南太尉留題鳳州王氏別業

清秋看長鷺雛成說向湘僧亦動情節
屋折將松上影
印龕移鎖月中聲野人陪賞增詩價
太尉因居著谷名

閑想此中遺勝事宿齋吟遶鳳池行

乙酉歲自蜀隨計赴試不及

客卧涪江蘸月廳知音喚起進趨生寒梅折後方離蜀
臘月圓前未到京風卷壞亭羸僕病雪糊危棧蹇驢行
文昌一試應關分豈校襃斜兩日程

龍州韋郎中先夢六赤後因打葉子以詩上

紅蠟香煙撲畫楹梅花落盡庾樓清光輝圓魄銜山冷
彩鏤方牙着腕輕寶帖牽來獅子鎮金盆引出鳳凰傾

微黃喜兆莊周夢六赤重新擲印成

和壽中丞傷猿

遺挂朱欄鎖半尋清聲難買恨黃金懸崖接果今一作身

何在淺井窺星影已沉歸宅葉鋪曾睡石入朝燈照舊

啼林小山罷遶隨湘客高樹休升對嶽禽天竺省憐傷

倍切親知寬一作知覓和思難任相門恩重無由報竟託仙

郎日夜吟

上靈州令狐相公

一作贈高僕射自安
西赴闕一作贈功臣

征蠻

一作南

破虜漢功臣提劍歸來萬里身笑

一作閑

倚凌

煙金柱看形容憔悴

一作消瘦又作惆悵

老於真

寓言

三千宮女露蛾眉笑煮黃金日月遲
麟鳳隔雲攀不及
空山惆悵夕陽時

客亭對月

游子離魂隴上花風飄浪卷遶天涯
一年十二度圓月
十一回圓不在家

宿鄆郊贈羅處士

川靜星高櫟

一作栗

已枯南山落石水聲麤白雲釣客窗

中宿卧數嵩峰聽五湖

有寄

一作贈

愛酒耽碁田處士彈琴咏史賈先生御溝臨岸有雲石
不見鶴來何處行

送三藏歸西天國

十萬里程多少磧沙中

一作磧頭

彈舌授降龍

裴公彈舌念梵語心經以

授流沙之龍

五天到日應頭白月落長安半夜鐘

金陵懷古

古來無此戰爭功日日戈船卷海風一遇度一作靈鼉開

睡眼六朝灰盡九江空

長安縣廳

主人寂寞客迤邐愁絕一作列終南滿案一作眼前乞取中

庭藤五尺一作丈為君高斲扣一作望青天

題晰上人賈島詩卷

賈生詩卷惠休裝百葉蓮花萬里香
供得半年吟不足
長須字字頂司倉

送僧清演歸山

毛褐斜肩背負經
曉思吟入竇山青
峰前野水橫官道
踏着秋天三四星

贈僧

不羨王公與貴人
唯將雲鶴自相親
閒來石上觀流水
欲洗禪衣未有塵

題學公院池蓮

竹引山泉玉甃池栽蓮莫

一作却
一作休

怪藕生絲如何不似

麻衣客坐對秋風待一枝

山居喜友人見訪

入雲晴斲茯苓還日暮逢迎木石間看待詩人無別物

半潭秋水

一作
燒

一房山

秋宿長安韋主簿廳

水木清涼夜直廳愁人樓上唱寒更坐勞同步簾前月

鼠動牀頭印鎖聲

冬憶友人

吟上山前數竹枝
葉翻似雪落霏霏
枕前明月誰動影
睡裏驚來不覺歸

懷圭峯影林泉

吾家舊物賈生傳
入內遙分錫杖泉
鶴去帝移宮女散
更堪嗚咽過樓前

贈青龍印禪師

雨澀秋刀剗雪時
菴前曾禮草堂師
居人昨日相過說
鶴已生孫竹滿池

戲贈侯常侍

葛洪卷與江淹賦
名動天邊傲石居
兩蜀詞人多載後
同君諱却馬相如

繡嶺宮詞

春日遲遲春草綠

一作春草萋萋
春水綠

野棠開盡飄香玉
繡嶺

宮前鶴髮翁猶唱
開元太平曲

中秋月

一作廖
凝詩

九十日秋色今秋已半分
孤光吞列宿四面絕微雲
衆水排疎影寒流疊細紋
遙遙望丹桂心緒更紛紛

宿書僧

一作
記院

夜水筆前澄時推外學
能書成百箇字庭轉幾遭燈
寄墨大壇吏分牋蜀國僧
為題江寺塔牌挂入雲層

雪

迢迢來極塞連關謂

一作渭

風吹禪客呵金錫
征人擘凍

旗細填蟲穴滿重壓鶴巢歌有影晴飄野無聲夜落池
正繇秦甸暖漸厚楚宮飢凍挹分泉澀光凝二閣癡踏
遺蘭署跡聽起石門思用表豐年瑞無令埽玉墀

述懷二十韻獻覃懷相公

帝夢求良弼生申屬聖明青雲縣器業白日貫忠貞

一作

精靄靄隨春動忻忻共物榮靜宜浮競息坐覺好風生
萬國聞應躍千門望盡傾瑞含楊柳色氣變管絃聲百
辟尋知度三階正有程魯儒規蘊藉周誥美和平碧水

遺幽抱朱絲寄遠情風流秦印綬儀表漢公卿忠讜期
登用回邪自震驚雲開長劍倚路絕一峰橫九野方無
事滄溟本不爭國將身共計心與衆為城早晚中條下
紅塵一顧清南潭容伴鶴西笑忽遷驚折樹恩難報懷
仁命甚輕二年猶困辱百口望經營未在英侯選空勞
短羽征知音一作祈相國從此免長鳴

歲暮自廣江至新興往復中題峽山寺

薄暮緣西峽停橈一訪僧驚巢行卧柳猿飲倒垂藤水

曲巖千疊雲深樹百層山風寒殿磬溪雨夜船燈灘漲
危槎沒泉衝怪石崩中臺一襟淚歲杪別良朋

冬日送涼州刺史

寵餞西門外雙旌出漢陵未辭金殿日已夢雪山燈地
遠終峰盡天寒朔氣凝新年行已到舊典聽難勝吏掃
盤雕影人遮散馬乘移軍駝馱角下塞掾河水獵近崑
崙獸吟招磧石僧重輸石藏寶方見左車能兵聚邊風
急城寬夜月澄連營煙火嶺望詔幾迴登

過賈浪仙舊地

鶴外唐來有謫星長江東注冷滄溟境搜松雪仙人島
吟歇林泉主簿廳片月已能臨榜黑遙天何益抱墳青
年年誰不登高第未勝騎驢入畫屏

公道此時如不得昭陵慟哭一生休

北夢瑣言云洞三榜裴贄第二榜策

夜簾前獻詩云云尋卒蜀中贄無子人謂屈洞所致

御定全唐詩卷七百二十三

欽定四庫全書

集部

御定全唐詩卷七百二十四至七

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官中書臣石鴻翥

謄錄監生臣鄭璠

欽定四庫全書

御定全唐詩卷七百二十四

唐求

一作球

唐求居蜀之味江山至性純慤王建帥蜀召為叅謀不就放曠疎逸邦人謂之唐隱居為詩撫稿為圓納之大瓢後卧病投瓢于江曰斯文苟不沈沒得者方知吾苦心爾至新渠有識者曰唐山人瓢也接得之十纔二三今編詩一卷

酬友生早秋

彤雲將欲罷，蟬柳響如秋。
霧散九霄近，日程三伏愁。
殘陽宿雨霽，高浪碎沙漚。
袪足餘旬後，分襟任自由。

曉發

旅館候天曙，整車趨遠程。
幾處曉鐘斷，半橋殘月明。
沙

上

一作際

鳥猶在

一作睡

渡頭人未

一作已

行去去古時道馬

嘶三兩聲

客行

上山下山去千里萬里愁樹色野橋暝雨聲孤館秋南
北眼前道東西江畔舟世人重金玉無金徒遠游

題鄭處士隱居

不信最清曠及來愁已空數點石泉雨一溪霜葉風業
在有山處道成無事中酌盡一尊酒病

一作老

夫

一作翁

顏

亦紅

古寺

路傍古時寺寥落藏金容破塔有寒草壞樓無曉鐘亂

紙失經偈斷碑分篆蹤日暮月光吐繞門千樹松

贈著上人

掩門江上住盡日更無為古木坐禪處殘星鳴磬時
澆冰滴滴珠數落累累自有閑行伴青藤杖一枝

馬嵬感事

冷氣生深殿狼星渡遠關九城輦鼓內千騎道途間
鳳髻隨秋草鑾輿入暮山恨多留不得悲淚滿龍顏

贈行如上人

不知名利苦念佛老岷峨衲補雲千片香燒印

一作一焚篆

窠戀山人事少怜客道心多日日齋鐘後高懸濾水羅

送友人歸邛州

鶴鳴山下去滿篋荷瑤琨放馬荒田草看碑古寺門漸

寒沙上雨

一作路

欲暝

一作暖

水邊村莫忘分襟處梅花撲

酒尊

和舒上人山居即事

敗葉填溪路殘陽過野亭仍彈一滴水更讀兩張經暝

鳥煙中見寒鐘竹裏聽不多山下去人世盡羶腥

發邛州寄友人

茫茫驅一馬自歎又何之出郭見山處待船逢雨時
曉雞鳴野店寒葉隨秋枝寂寞前程去閑吟欲共誰

舟行夜泊夔州

維舟鏡面中迴對白鹽峰夜靜沙堤月天寒水寺鐘
故園何日到舊友幾時逢欲作還家夢青山一萬重

山東蘭若遇靜公夜歸

松門一徑微苔滑往來稀半夜聞鐘後渾身帶雪歸問
寒僧接杖辨語犬銜衣又是安禪去呼童閉竹扉

邊將

三千護塞兒獨自滯邊陲老向二毛見秋從一葉知地
寒鄉思苦天暮角聲悲却被交親笑封侯未有期

秋寄

江舒公

缺一字

故人何處望秋色滿江濱入水溪蟲亂過橋山路分鶴
歸松上月僧入竹間雲莫惜中宵磬從教夢裏聞

題楊山人隱居

深山道者家門戶帶煙霞
綠綴沿巖草紅飄落水花
半庭栽小樹一徑掃平沙
往往溪邊坐持竿到日斜

夜上隱居寺

尋師擬學空空住虎磧東
千里照山月一枝驚鶴風
年如流去水山似轉來蓬
盡日都無事安禪石窟中

友人見訪不值因寄

門戶寒江近籬牆野樹深
晚風搖竹影斜日轉山陰
砌

覺披秋草牀驚倒古琴更聞鄰舍說一隻鶴來尋

塗次偶作

歲月客中銷崎嶇力自招問人尋野寺牽馬渡危橋為
雨疑天晚因山覺路遙前程何處是一望又迢迢

送友人江行之廬山肄業

蜀國初開棹廬峰擬拾螢獸皮裁褥暖蓮葉製衣馨楚
水秋來碧巫山雨後青莫教銜鳳詔三度到中庭

山居偶作

趨名逐利身終日走風塵還到水邊宅却為山下人僧
教開竹戶客許戴紗巾且喜琴書在蘇生未厭貧

贈道者

披霞戴鹿胎歲月不能催飯把琪花煮衣將藕葉裁鶴
從歸日養松是小時栽往往樵人見溪邊洗藥來

邛州水亭夜讌送顧非熊之官

寂寞邛城夜寒塘對庾樓蜀關蟬已噪秦樹葉應秋道
路連天遠笙歌到曉愁不堪分袂後殘月正如鉤

題青城山范賢觀

數里緣山不厭難，為尋真訣問黃冠。
苔鋪翠點仙橋滑，松織香梢古道寒。
晝傍綠畦薺嫩玉，夜開紅竈撚新丹。
鐘聲已斷泉聲在，風動茅_{一作花}月滿壇。

送僧講罷歸山

休將如意辨真空，吹盡天花任曉風。
共看玉蟾三皎潔，獨懸金錫一玲瓏。
巖間松桂秋煙白，江上樓臺晚日紅。
依舊曹溪念經處，野泉聲在草堂東。

題友人寓居

寓居無不在天涯莫恨秦關道路賒
繚繞城邊山是蜀彎環門外水名巴
黃頭卷席賓初散白鼻嘶風日欲斜
何處一聲金磬發古松南畔有僧家

傷張玖秀才

銅梁劍閣幾區區十上探珠不見珠
卞玉影沈沙草閣驂騑聲斷隴城孤
入關詞客秋懷友出戶孀妻曉望夫
吳水楚山千萬里旅魂歸到故鄉無

題李少府別業

尋得仙家不姓梅
馬嘶人語出塵埃
竹和庭上春煙動
花帶溪頭曉露開
繞戶白雲終日在
傍松黃鶴有時來
何年亦作園碁伴
一到松間醉一回

贈楚公

曾聞半偈雪山中
貝葉翻時理盡通
般若恒添持戒力
落義誰算念經功
雲間曉月應難染
海上虛舟自信風
長說滿庭花色好
一枝紅是一枝空

題王山人

紅藤一柱腳常輕
日日緣溪入谷行
山下有家身未老
竈前無火藥初成
經秋少見閑人說
帶雨多聞野鶴鳴
知到蓬萊難再訪
問何方法得長生

庭竹

月籠翠葉秋承露
風亞繁梢暝掃煙
知道雪霜終不變
永留寒色在庭前

題常樂寺

桂冷香聞

一作松香

十里間殿臺渾不似人寰日斜回首江

頭望一片晴

一作闕

雲落後山

題

一作送

劉鍊師歸山

風急雲輕鶴背寒洞天誰道却歸難千山萬水瀛洲路
何處煙飛是醮壇

酬舒公見寄

無客不言雲外見為文長遣世間知一聲松徑寒吟後
正是前山雪下時

巫山下作

細腰宮盡舊城摧
神女歸山更不來
唯有楚江斜日裏
至今猶自繞陽臺

句

恰似有龍深處卧
被人驚起黑雲生

臨池洗硯
見紀事

御定全唐詩卷七百二十四